

續山東考古錄卷之十九

滄州葉圭綬子佩甫述

兗州府下

滕縣

夏薛國一名邳歷商周後入於齊曰舒州

一作徐州一作邾州周滕國鄆

國後改小邾又邾濫邑狐台邑又魯郎邑

春秋隱公十一年滕侯薛侯來朝杜注薛魯國薛縣又定公

元年傳薛宰曰薛之皇祖奚仲居薛以為夏車正奚仲遷於

邳仲虺居薛為湯左相與漢志薛縣下夏車正奚仲所國後

遷於邳湯相仲虺居之二說不同水經注潯水自薛城北又

續山東考古錄

卷十九

滕縣

一 蝸角尖廬

西逕仲虺城北應劭曰邳在薛楚元王子郢以呂后元年封

上邳侯也有下故此為上矣晉書地道記曰仲虺城在薛城

西三十里今縣西南五十里潯故渠南有驩城

近志附會王驩所居東

去薛城里數相符即仲虺城

或以嶧縣南小灰城為仲虺城不合

驩虺音轉耳

左傳云商有邳姁是商時名邳不名薛此城又有仲虺之名

竹書紀年惠成王三十一年邳遷於薛

杜預稱奚仲遷下邳史記索隱引紀年作

下邳遷於薛似皆誤紀要引晉志云奚仲遷於邳謂之或仲

上邳引此云邳遷於薛謂之下邳豈薛即下邳耶尤誤

虺居邳國自名薛故薛宰云然歟應劭正引此語或本作仲

如後說是春秋之薛仍在邳戰國時齊滅薛封田氏

始遷居薛城矣蓋

以紀年後說近是紀年沈約注此條云改名徐州考春秋哀

十四年續經齊陳恒執其君寘於舒州史記齊太公世家作  
徐州是春秋末已名舒州非始六國時也又紀年惠成王後  
十年齊城薛即孟子所謂齊人將築薛者十三年封田嬰於薛括地志薛城在薛河  
北周二十八里齊田文封薛改築按封薛是嬰非文史記齊襄王立孟嘗君中立為諸  
侯無所屬襄王與連和是田氏復封後儼與齊為敵國矣又  
魯世家頃公十年楚伐我取徐州索隱曰徐音舒齊邑薛縣  
是也是薛又入魯又入楚矣豈田氏已亡耶

滕國故城在西南十四里春秋隱公七年滕侯來朝杜注滕  
國在沛國公邱縣東南竹書紀年晉烈公二年於粵滅滕  
按漢志云齊滅據孟子戰國策以為宋滅是也路史滕國

續山東考古錄

卷十九

滕縣

二 蝸角尖廬

黃帝第十一子所封後漢志公邱本膠國滕字訛也

郟國故城在東里春秋莊公五年左傳郟黎來來朝杜

注東海昌慮縣東北有郟城齊乘謂即承縣小灰城縣志城

東六里有倪城府志作一里皆與杜注不合俟考

春秋昭公三十一年邾黑肱以濫來奔杜注東海昌慮縣後

漢志劉昭注以為縣所治城

狐台邑在東南二十里春秋襄公四年左傳臧紇救郟侵邾

敗於狐台杜注蕃縣東南有目台亭按縣東南二十里有狐

台山

郟邑在西南五十二里春秋隱公元年左傳費伯帥師城郟

杜注高平方與縣東南有郁郎亭括地志郎亭在滕縣西南五十二里按縣之西南即方與東南今縣西境有郁郎村後漢志高平下劉昭注隱九年費伯城郎考隱九年經書城郎無費伯字又引杜預云云誤以高平字為縣名矣又莊公十一年齊師宋師次於郎公子偃曰宋師不整可敗也自雩門竊出大敗乘師於乘邱按在魯城內已望見宋師乘邱又近魯城疑此郎或別是近魯地否則齊宋師自郎復進歟漢書王子侯表郁狼侯驕魯共王子史記作郁根即此邑

縣南有孟嘗集或以為即詩所謂居常與許者嶧縣西有地名南常東四十里有靈邱城舊以為蜺鼃所辭縣西三十里有休城

續山東考古錄 卷十九 滕縣 三 蝸角尖廬

舊以為孟子所居元和志謂合鄉即互鄉附存備考

秦泗水郡滕縣 漢高祖破秦泗川郡守於薛縣然則薛為泗水郡治也薛郡則治魯

滕縣故城在西南十五里俗曰雍城元和志滕縣公邱故城在縣西南十五里夏侯嬰初為滕令故號滕公按原此時高

祖未立屬縣故滕為秦縣按今縣西雍城近志以為無考即此城也

漢徐州魯國蕃縣薛縣東海郡合鄉縣昌慮縣及南城縣地論衡

南城之冢曾子祖父葬處也今名曾子山在縣境又豫州沛郡公邱縣武帝改滕縣為

公邱據元和志又廣戚縣又兗州山陽郡湖陵縣莽曰湖陸及方與縣地

蕃縣故城在城西今治其東偏也漢志蕃下應劭注邾國也

晉志作小邾音皮師古曰白裒云陳蕃之子為魯相國人為諱改

曰皮此說非也郡縣之名土俗各有別稱不必皆因本字通鑑胡注皮字乃反字傳寫之訛杜佑通典蕃音反按一說蕃

同番皮蒲何反與胡氏說皆可從

僻縣故城在南四十里通典云在縣東微東耳

合鄉縣故城在東二十三里今訛梁城一稱城頭元和志滕縣合

鄉故城在縣東二十三里寰宇記又稱在沛縣近志係嶧縣

皆非是困學紀聞王無咎曰鹿邑之外有互鄉城前代因立互鄉縣按互鄉似魯地合鄉外古未有互鄉名縣者

昌慮縣故城在東南五十九里

廣戚縣故城在南五十里舊以此城為東海戚縣非也通鑑

續山東考古錄

卷十九

滕縣

四 蝸角尖廬

秦二世元年十一月沛公引兵之僻泗水守

秦漢初郡官稱守景帝始改稱

太守壯兵敗於僻走至戚沛公左司馬得殺之胡注班志戚縣

屬東海郡括地志沂州臨沂縣有戚縣故城余以地理考之

沛郡之與東海相去頗遠壯兵敗而走未必能至東海之戚

班志沛郡有廣戚縣章懷太子注曰廣戚故城在今徐州沛

縣東恐是走廣戚之戚也按以戚為東海縣本漢紀小顏注

臨沂去沛郡亦不甚遠壯所走客或是戚而此城為沛之廣

戚則無可疑水經注泗水南逕小沛縣南又東南逕廣戚縣

故城南一統志廣戚故城在江南沛縣東北四十里此城西

南至沛縣吻合其數况戚縣在臨沂則此為廣戚更不待辨

也 曹參嘗爲戚令故稱戚公或此縣秦本名戚歟

湖陵縣故城在西南七十五里

縣舊係魚臺其故城兩縣各得其半沛縣亦有其地乾隆

間魚臺徙今治湖陵故地大約盡割隸滕沛魚臺新志因此凡湖陵山川人物槩不列人見其例言今故係此

後漢豫州魯國蕃縣薛縣沛國公邱縣徐州彭城國廣戚縣東

海郡昌慮縣合城縣

合鄉改

兗州泰山郡南城縣地山陽郡湖陸

縣中興仍名湖陵章帝復改湖陸

永平二年益封東平未詳何時復故

又方與縣

地建安三年於昌慮置昌慮郡十一年郡廢魏因之

晉豫州魯郡蕃縣薛縣公邱縣徐州彭城國廣戚縣東海郡昌

慮縣合鄉縣兗州高平國

山陽郡改

湖陸縣及方與縣地泰山郡南

武城縣地元康中蕃縣薛縣益彭城國

見晉書彭城王傳及劉宋志

十年合

續山東考古錄

卷十九

滕縣

五 蝸角尖廬

鄉昌慮屬蘭陵郡東晉太元四年兗州治湖陸

毛盛爲刺史鎮此

劉宋徐州彭城郡蕃縣薛縣蘭陵郡合鄉縣昌慮縣及留縣地

宋省廣戚縣入之

兗州魯郡陽平縣大明中置泰山郡南城縣地高平

郡高平縣地

魏志高平有湖陸城宋無湖陸已入高平

方與縣地

劉宋陽平縣故城當在縣西南魏志魯郡陽平有滕城縣西

五十里有煬城

俗傳隋煬帝駐蹕處

疑是也又縣西十二里近滕城有

鞋城

以形似名附存備考

後魏徐州彭城郡薛縣蕃郡治蕃縣孝昌三年置郡元象二年

併彭城武定五年復又永興縣永福縣皇興初置屬建昌郡太

和中屬彭城郡

魏志永興下在太和十五年永福下在十九年

武定五年屬又彭城留

縣地蘭陵郡昌慮縣合鄉縣兖州魯郡陽平縣高平郡高平縣  
地方與縣地北徐州東泰山郡南城縣地

魏志薛有薛城未詳所徙治又蕃有蕃城後魏迄今未再徙  
治當是於東偏築今治所有即西偏故址

永興縣故城在東南七十里今臨城驛其地曰永興社其旁  
有永興村

永福縣故城未詳縣志縣東南茱萸山下有故縣城備考  
高齊徐州彭城郡蕃縣及沛郡沛縣地北徐州周沂州郡南

武陽縣地南城入之周因之

寰宇記有後魏以後費縣移治薛固城之說縣東五十里薛

續山東考古錄 卷十九 滕縣 六 蝸角尖廬

山下薛水南有固城即薛固城周還治陽口則齊治此矣但

其前說並無此徙詳費縣未敢逕從梁天監五年桓和擊魏兖州拔固城通鑑胡注云即

抱犢固考是時蕭及屯固城桓和屯孤山魏樊魯破和於孤山元恒拔固城魏志昌慮有孤山與薛固城相近當即此固城南齊時徐州民保五固兖州桓和據抱犢固薛費之間無考古城甚多固以五稱似不止一城也抱犢固卻無遺址

隋徐州滕縣開皇十六年改蕃縣為滕縣又沛縣地沂州琅邪郡

顓臾縣地南武陽改

齊乘隋以其為滕舊都故改蕃為滕縣按蕃非滕都且並非滕地

唐河南道徐州滕縣及沛縣地沂州費縣地顓臾入之寰宇記九域志

費縣並有濼水今費境無濼水割隸未詳何時據括地志郎屬滕縣是隋唐時縣之西北境約與今同矣隋志抱犢山在蘭陵而九域志則在滕縣今山在費滕嶧三縣界疑隋代已如是已

舊唐志滕古滕國隋置縣按縣治既非滕都縣境詎止滕地據此竟似隋始於滕故城置縣者元和志滕縣本古滕國漢蕃縣按以縣治言則非滕國以縣境言不止蕃縣寰宇記以為漢蕃昌慮二縣通考以為滕小邾二國皆失挂漏齊乘云漢晉蕃鄒二縣地愈不合縣境當戰國時並不能全屬齊不載明有薛國在內何以入齊乘耶宋京東西路徐州彭城郡滕縣置滕陽軍又沛縣地沂州琅邪郡費縣地金山東西路滕州治滕縣大定二十三年升滕陽軍為州二十四年除陽字為滕州

金志滕縣舊名滕陽大定二十四年更誤以軍名為縣名元都省山東益都路滕州治滕縣

續山東考古錄

卷十九

滕縣

七 蝸角尖廬

明山東布政司兗州府滕縣洪武二年廢滕州縣屬濟寧府十八年來屬

國朝因之

縣志

康熙五十五年修知縣黃浚

沿革六國時齊於小邾東置靈邱

眞想當然者

魏武三年置昌慮郡誤建安作魏武

古蹟又訛

郡作

劉宋省戚入蕃繆

後魏蕃城縣多城字

隋升滕

郡繆

金大定二十四年更置滕縣此因金志致誤

古

蹟不知仲虺城所在反駁齊乘

隱公四年狩於郎按狩

郎在桓四年

嶧縣

周偃陽國

東境為鄆國地北境西境為邾魯薛諸國地

後入宋又入楚

春秋哀公十年會於柤遂滅偃陽杜注今彭城傅陽縣寰宇

記楚宣王改偃陽為傅陽按公羊即作傅陽

漢徐州東海郡承縣陰平縣建陽縣新陽縣又繪縣地

故城在東八十里

里今屬蘭山

下邳縣地

後漢志下邳有葛嶧山今縣南二十五里天柱山也

蘭陵縣地

故城在東六十

里今屬蘭山

又楚國傅陽縣

承縣故城在西北一里

陰平縣故城在西南三十里今陰平集後漢書袁安傳章懷

注稱在承縣西南寰宇記稱在沭陽縣西北六十里

建陽縣故城在西微北四十五里詳俗曰建陵城

續山東考古錄

卷十九

嶧縣

八 螭角尖廬

新陽縣故城在西北四十里今安陽城後漢書劉永傳帝破

龐萌於桃城

詳鄒縣

萌蘇茂佼彊奔董憲與劉紆屯昌慮自將

銳卒拒新陽帝先遣吳漢擊破之憲走還昌慮憲恐乃招誘

五校餘賊屯建陽去昌慮三十里章懷注建陽城在沂州承

縣北又云帝至蕃去憲所百餘里按縣西建陵城去蕃城正

百餘里紀要以爲建陽之訛最當建陵城括地志亦稱在承

縣界據水經注流水逕其東在厚邱之後不能在縣西也新

陽城當在建陽北即安陽城無疑惟建陽既去蕃百餘里則

去昌慮斷不止三十里三疑五字訛也

傅陽縣故城在南五十里



後漢徐州東海郡承縣陰平縣彭城國傅陽縣琅邪國繪縣地  
下邳國下邳縣地魏陰平未詳省否

晉徐州東海郡承縣彭城國傅陽縣琅邪國繪縣地下邳國下  
邳縣地元康元年分東海於承縣置蘭陵郡後趙石虎改武興  
郡南燕慕容德并州治陰平城

劉宋徐州蘭陵郡治承縣又兖州魯郡新陽縣大明中復後魏  
廢蘭陵郡武定五年復郡治故承城高齊省新陽縣周因之

魏承縣即今縣治魏志承有承城而郡下云治承城蓋郡治  
故城縣治別徙縣境別無承城即徙今治無疑

隋徐州彭城郡蘭陵縣開皇三年廢蘭陵郡十六年於承縣置鄆州

續山東考古錄 卷十九 嶧縣 九 蝸角尖廬

又析置蘭陵縣大業二年州廢省鄆城蘭陵入承縣尋改承為  
蘭陵來屬

隋鄆州城即今治東北有遺址蓋罷蘭陵郡而古承城廢後  
置州於後魏承縣也

隋蘭陵縣故城在東四十里今蘭陵店 此廢蘭陵城

隋志蘭陵下舊曰承置蘭陵郡開皇初郡廢十六年分置鄆  
州及蘭陵縣大業初州廢又併蘭陵鄆城二縣入焉尋改承

為蘭陵按分承置鄆州字當是城字州不可云分承置也  
此句上脫載置州之文 元和志承縣漢屬東海郡開皇三

年罷郡似隋罷東海郡矣脫載晉置蘭陵郡於前又失載隋

置鄆州 寰宇記大業二年省鄆州及承縣仍移蘭陵縣於廢鄆州城中按此似是而實非大業初第廢鄆州未廢承縣蘭陵與鄆城省入承非承與鄆城省入蘭陵改承為蘭陵非移蘭陵治承城其故鄆城下云大業初省入蘭陵按是二縣同時省入承非鄆城省入蘭陵

唐河南道

沂州 承縣 古皆作承 舊唐志變作 承新唐志又省作承

武德四年於蘭

陵縣復置鄆州改蘭陵為承縣復置蘭陵縣貞觀元年州廢省

蘭陵鄆城

武德四年復 見蘭山縣

二縣入承來屬五代因之

宋京東東路

沂州 琅邪郡

承縣

隋唐宋縣境有 今蘭山西境

齊乘古承縣城嶧州城西北小城晉已後蘭陵郡或理今州

續山東考古錄

卷十九

嶧縣

十 蝸角尖廬

城或理鄆城此城自為承縣宋始移焉考晉宋後魏蘭陵郡皆治古承城地形志寰宇記有明據元嶧州城即隋鄆州城鄆城即漢繪縣郡治從未治此兩城隋蘭陵縣已在廢州城實後魏承縣治並非宋始移入其郡邑篇嶧州條云唐仍理鄆州城宋移理今縣考唐宋承縣皆仍隋舊如謂宋縣元州非隋鄆州寰宇記稱古承城在西北一里于氏亦稱是州城西北小城則宋元治所仍隋唐舊治明矣其古鄆城條云嶧州東八十里 亦可證元州治 即隋鄆州治 隋初鄆州理承縣城大業二年移蘭陵郡治此唐置鄆州理此城考唐鄆州固未嘗治鄆城隋大業二年蘭陵郡廢已久那有徙郡治鄆城事蓋于氏誤

以鄆城縣爲隋郡唐州治故一則云宋始移焉一則云宋移理今縣夫旣云此城自爲承縣則所稱宋始移者自是州郡治宋無鄆州又無蘭陵郡移治何所指耶縱使不誤書於嶧州條可也又書於古承城是又將古今兩城混爲一矣

金山東西路邳州蘭陵縣明昌六年改承爲蘭陵

金志貞祐四年三月徙治土婁村今縣南八里有土婁河

元都省山東益都路嶧州初於蘭陵縣置嶧州至元二年廢縣其地直隸於州

元復還今治金徙治後史無還治明文觀齊乘嶧州古蹟山川皆與今同則元初已還故治考證謂元當仍金治非也

續山東考古錄

卷十九

嶧縣

十一 蝸角尖廬

明山東布政司兗州府嶧縣洪武二年降嶧州爲縣屬濟寧府十八年來屬

國朝因之

縣志

乾隆二十六年修知縣白忠璉

沿革金復改蘭陵縣置嶧州明昌

初改縣興定中置州本元志金志無古蹟舊土城在漢

承縣之南城臨承水相傳爲隋鄆州城又疑爲金徙之土

婁村按此因史無還今治明文而有此疑安陽城相傳

爲春秋戎州已氏之邑謨

詳曹州

嶧州舊城卽今治相傳

楚將鍾離昧所築路史沂之承有鍾離城按鍾離城在江

南海州路史齊乘並誤

詳蘭山

此又以爲今治反與隋鄆州

城分爲二繆極

汶上縣

古厥國周魯中都邑闕邑厥入齊戰國爲平陸邑

漢志東平陸下應劭注古厥國 孟子孟子之平陸

中都邑故城在西三十九里又名致密城一作殷密史記孔子世

家定公以孔子爲中都宰

闕邑故城在西南南旺湖中春秋桓公十一年會於闕杜注

須昌縣東南有闕城按後漢志東平陸下有闕亭壽張下劉

昭注地道記曰有重尤祠皇覽曰重尤冢在縣闕城中按三

說不同蓋在三縣接界處也然須昌故城在今東平州西北

續山東考古錄

卷十九

汶上縣

三

蝸角尖廬

十五里闕城不在其東南疑是西南之訛否則東字衍

魏志壽張有高陽城在縣西北三十里今日陽城宋書元嘉

八年檀道濟抵壽張轉戰至高梁亭紀要謂高陽卽高梁之

訛最當考春秋僖公九年齊侯桓公以諸侯之師伐晉至高梁

而還杜注晉地在平陽西南按平陽西南已深入晉境此傳

正應宰孔西則否矣之語似卽至此高梁也備考

漢兖州東平國東平陸縣泰山郡桃鄉縣及東郡壽良縣地見上

須昌縣地後漢志須昌有致密城

東平陸縣故城當在縣北汶水南或曰卽今治舊唐志漢平

陸縣本置殷密城質以水經注汶水所經其繆顯然詳水考

桃鄉縣故城在東北五十里王莽曰鄆亭魏志無鹽有南章城卽此今桃城村

後漢志東平陸有堂陽聚劉昭注故縣後省考漢志兖州無此縣或曰卽泰山郡富陽之訛而王子侯表有富陽侯萌東

平思王子似無志表皆訛之理水經注疑春亭為堂陽亭詳寧

陽固非亦可證非漢縣名也漢鉅鹿郡有堂陽縣疑昭有誤

後漢兖州東平國東平陸縣及無鹽縣地桃鄉須昌縣地壽張

縣地魏晉因之

後漢志無鹽有章城其時章縣未省則桃鄉城也劉昭注引

左傳齊人降鄆於其下繆矣

續山東考古錄 卷之十九 汶上縣 三 蝸角尖廬

劉宋兖州僑陽平郡治平陸故城又平原縣及館陶縣地魏志東陽

平館陶有唐陽城卽堂陽亭又樂平縣寄治下平陸又東平郡平陸縣地縣

寄治郡城又壽張縣地高陽城隸濟州壽張見魏志後魏陽平郡加東字

魏志東陽平郡本東平地劉駿置治平陸城按平陸縣宋寄

治郡城其徙治中都未詳何時宋志樂平寄治下平陸當卽

中都城詳下

劉宋陽平郡平原縣故城在西南三十里今平原社魏志東

陽平郡平原下有苦城卽縣北胡城有鉅野澤今南旺諸湖

是汶水入茂都澱西出逕中都城南名巨野溝可證詳水道考

高齊兖州 郡樂平縣并平陸於樂平徙平原於今寧陽周

因之

隋志平陸後齊曰樂平按宋魏東陽平郡樂平縣本治下平陸隋改平陸至唐開元時猶治中都城是宋下平陸即中都城紀要稱平陸晉末徙治中都似誤元和志齊高帝改平陸為樂平按高齊無高帝如高祖改則仍後魏時矣當是高齊字倒衍帝字齊并寄治之平陸於樂平非改平陸為樂平

隋兖州魯郡平陸縣開皇十六年改樂平仍名平陸

唐河南道鄆州東平郡中都縣初屬兖州天寶元年改平陸為中都

貞元十四年來屬復屬兖州尋還屬元和志天寶元年屬鄆州與唐志不符今從唐志與

寰宇記五代因之

續山東考古錄 卷十九 汶上縣 古 蝸角尖廬

中都縣即今治舊唐志殷密城在今治西三十九里天寶元年改為中都移於今治

宋京東西路東平府東平郡中都縣

金山東西路東平府汶上縣貞元元年改中都曰汶陽太和八年又改

元都省山東東平路汶上縣

明山東布政司兖州府東平州汶上縣

國朝山東布政司兖州府汶上縣初因明舊乾隆四十一年屬濟寧直隸州四十五年還屬

縣志 明萬曆戊申年修 知縣 栗可仕 沿革誤以平陸無

鹽兩縣爲厥國 春秋爲中都戰國入齊爲平陸按誤混  
兩地爲一 東平陸東漢併入須昌晉因之按二代皆有  
此縣 脫元代 古蹟有邲國城陽關城皆因金改汶陽  
而附會者 不知桃鄉有南章之名反以水經注爲誤殊  
失考

### 陽穀縣

周齊柯邑一曰東阿一曰阿邑

春秋莊公十三年公會齊侯盟於柯杜注今濟北東阿縣齊  
之阿邑猶祝柯今爲祝阿水經注以爲衛邑說苑晏子任東  
阿則齊邑矣杜氏猶祝阿云云見柯阿二字可通用耳元和

### 續山東考古錄

#### 卷十九

陽穀縣

五 蝸角尖廬

志引之截去今爲祝阿四字文義遂不明了而寰宇記續通  
典通鑑胡注皆以祝阿爲東阿可怪已 史記田敬仲世家  
威王召阿大夫而語之新序齊君使尹子奇治阿 春秋襄  
十四年孫林父敗衛侯於阿澤杜注東阿縣西南有大澤水  
經注河水自范縣倉亭津又厯柯澤逕東阿縣故城西是春  
秋時柯已作阿

紀要縣有薛陵城在西南史記齊威王七年衛伐我取薛陵  
威王語阿大夫衛取薛陵而子不知薛陵自近阿邑然烏知  
確在縣境乎

漢兖州東郡東阿縣及范縣地

水經注引述征記倉亭津在范縣界東北去東阿六十里以今

里計當得五十里而近今治去東阿故城五十里黃河故道在縣西與北倉亭津在境內無疑須昌縣地元和志陽穀縣漢須昌縣地按後漢志須昌有陽穀亭今在東平北東阿南故志又云取東阿縣界陽穀亭為名隋置陽穀縣約得漢東阿地十之六七其東南或有須昌地耳志因陽穀亭在須昌致誤舊唐志又誤謂取縣界陽穀亭為名寰宇記更誤稱陽穀亦有須昌城後漢因之魏太和三年為東阿縣王國六年復故王植徙封陳

東阿縣故城在東五十里今阿城鎮西二里齊乘兩漢有阿

陽縣無東阿縣繆何至此 水經注東阿魏曹雄侯國按三

國志曹植自雍邱徙封東阿王黃初五年諸王皆以縣為國太和六年復以郡此誤

晉兖州濟北國東阿縣及東平國范縣地須昌縣地太康後廢

東阿後燕慕容垂兖州治後燕錄慕容垂宋初復又廢

元和志東阿晉太康後廢按宋志云晉無永初有而晉志實

續山東考古錄 卷十九 陽穀縣 去 蝸角尖廬

有東阿史蓋據太康前也

後魏東阿縣地魏復置東阿於故城東二十里屬今東阿齊周因之

隋濟北郡陽穀縣開皇十六年置西北當有武水縣地其故城今沙鎮在縣與聊城分界處

陽穀縣故城在東北三十里俗曰水沒城元和志陽穀縣古

伏城在縣東南二里通志稱在今縣東南二里誤寰宇記錯簡須城縣今治東北三

十里有宓城集即伏城西北有古城縣志謂之水沒城云在

疊路橋西牆隅僅存以為無考考寰宇記陽穀縣開寶六年

河水衝破縣城則水沒城非隋縣城而何紀要稱在縣北五

十里又歷引春秋會盟陽穀事且云皆此地失考甚矣

唐河南道鄆州陽穀縣初屬濟陽郡天寶十三載來屬五代



因之唐博州河南地皆割入鄆州無武水縣地矣

宋京東西路東平府東平郡陽穀縣

宋陽穀縣即今治宋志陽穀縣景德三年徙孟店通考寰宇

記則稱太平興國四年徙上巡鎮舊說孟店即上巡鎮但年

地皆不同烏知非兩徙耶寰宇記既載徙治事古蹟河道仍用元和志里數甚不合惟至州里

數差五里未必即據新治九域志侯再考河水壞城倉卒他作州西北一百二十里則今治矣

度地築城未可知也九域志陽穀有碣礪津蓋盧縣廢析入縣也今

未詳仍在縣境否故於漢不書有荏平地於隋唐不書有盧

縣地

金山東西路東平府陽穀縣

續山東考古錄卷十九陽穀縣七 蝸角尖廬

元都省山東東平路陽穀縣

明山東布政司兗州府東平州陽穀縣

國朝山東布政司兗州府陽穀縣

縣志康熙五十五年修知縣王時來

壽張縣

夏顧國周晉范邑戰國入齊又 顧邑

詩韋顧既伐元和志范縣顧城在縣東二十八里夏之顧國

也按唐范縣在縣西南二十里今屬范縣顧城在縣南境明矣近

志稱在今范縣南五十里大繆 春秋哀公二十一年公會

齊侯於顧先至陽穀即古顧國矣但未詳時屬何國疑亦齊地

春秋宣公十七年左傳范武子請老杜注初受隨故曰隨武子後更受范復爲范武子不言范邑所在孟子孟子自范至齊趙岐注范齊邑王庶子所封食也元和志范縣晉大夫士會之邑古無此說考漢范縣接壤皆齊魯衛之地與晉土絕不相接不能無疑四書釋地並用兩說以爲春秋晉而戰國齊也姑從俟再考

文公十一年晉有范無恤則晉有范氏亦不始於武子

漢兖州東郡范縣漢書景祐本范作范及壽良縣地安民亭爲壽張西境梁山亦古壽張地皆

在東平州西南縣之東南而後魏濟州壽張故城仍在漢壽張境內則縣有漢壽良地

范縣故城在東南二十里今范城橋俗又名范王城舊以今范縣東

南范縣故城爲漢治非是彼乃魯秦邑與水考瓠河故道參看便明通志

續山東考古錄 卷十九 壽張縣 七 蝸角尖廬

壽張古蹟有范城是也而仍以彼爲漢治何耶

紀要壽張有張城以爲漢封毛釋之史記表作毛澤爲張侯考漢廣

平國有張縣寰宇記云一名渚陽城又史記周勃傳襲取臨

濟攻張漢書作攻壽張誤後漢始改壽良爲壽張則張城安得在壽

良乎

後漢兖州東郡范縣及東平國壽張縣地魏范縣未詳所屬

晉兖州東平國范縣及壽張縣地劉宋因之范縣寄治郡下

後魏濟州東平郡壽張縣兖州東平郡范縣

後魏濟州壽張縣故城在東南五十里後魏分壽張爲兩壽

張縣一卽此城一仍漢治屬兖州東平郡

後魏分范縣爲兩范縣一仍漢治一治秦城屬濟州東平郡  
高齊州郡壽張縣周因之

齊省兗州壽張入須昌存屬濟州者未詳屬何州郡兩范縣亦齊省

隋濟州北郡壽張縣及范縣地隋復置范縣即治秦城者

元和志開皇十六年壽張縣屬鄆州隋志不載

唐河南道鄆州東平郡壽張縣武德四年析置壽良縣並置壽州五

年州廢省壽良入壽張來屬又濮陽郡范縣地五代因之

壽良縣故城在東南六十五里元和志壽州故城在壽張東南十五里隋末百姓築爲堡武德四年於此置壽州按漏載

續山東考古錄卷十九壽張縣 九 蝸角尖廬

置壽良縣通志壽州城引寰宇記隋末百姓云云又書隋

末築堡於壽張故城條誤

宋京東西路東平府東平郡壽張縣及濮州范縣地

金山東西路東平府壽張縣及大名路濮州范縣地

大定七年河水壞城徙治竹口鎮在今縣西十里十九年還

故治九域志壽張有竹口鎮

元都省山東東平路壽張縣及直隸都省山東濮州范縣地

明山東布政司兗州府東平州壽張縣洪武三年省入陽穀須

城十三年復屬濟寧府後屬

明壽張縣即今治明志壽張下洪武十三年復置又云洪武

十二年徙王陵店蓋十二年築城十三年復縣也  
國朝山東布政司兗州府壽張縣

縣志

續山東考古錄

卷十九

壽張縣

三

蝸角尖廬

兗州府補遺

滋陽縣

子路宿石門四書釋地據定章記謂是魯城門抵城而門已闔只得宿於外郭門又考水經注洙水過瑕邱城東又西南逕石門約在今滋陽境內東去曲阜數十里或自魯他適宿此舉孔氏自魯可知儻從外返魯似當稱地以答不當住云孔氏

漢書杜周傳杜欽說王鳳有云仲山父異姓之臣無親於宣就封於齊蓋本韓詩外傳以徂齊為就封無論齊樊異國與本詩城齊亦不合矣雖然申伯作庸而因謝韓侯完城而用燕此韓

順天府固安縣俗訛韓侯為寒號皆鄰接之地命樊城齊近齊城舊注謂即今韓城縣者非是

續山東考古錄

兗補

一 蝸角尖廬

可知樊如在周畿內無因有此誤說也春秋僖二十五年王賜晉陽樊服虔曰陽樊仲山父所居故名陽樊山河兩戒考謂平王東遷樊仲之孫食采於陽非故樊國竹書宣王十七年王命樊侯仲山甫城齊東平樊縣近齊樊故國當在是余初因兩漢志樊縣下皆不言本國周畿內又確有樊邑故未敢以此為國觀杜欽語及兩戒考說復筆此以備考兩戒考又引地理志曰樊縣古樊國仲山甫所封未詳是何地志

曲阜縣

山河兩戒考漢書律厯志成王元年命伯禽於魯之歲紀年成王二年奄人徐人及淮夷入於邶以畔四年王師伐淮夷遂入

奄五年王在奄遷其君於蒲姑封魯在五年之前則奄不得在魯城內按費誓王伐淮夷魯侯已率師以從此說致爲有理紀年考證殷商地圖奄在今莒州北境諸城西北境未詳所據

### 寧陽縣

路史龔邱縣治故蛇邱甚誤

### 鄒縣

春秋昭二十二年大蒐於昌閒公羊作昌姦 漢魯相史晨後碑於昌平亭下立會市是昌平在漢爲亭名也 路史以閭邱顯間爲一地又云間邱本屬莒後屬邾鄒縣境內不得有莒地城冢記紀王城紀所遷按鄒之紀王城乃邾字轉音耳紀未續山東考古錄 充補 二 蝸角尖廬 嘗遷此

晉書外戚褚裒傳魯郡山有五百餘家建義請援山字上當有鄒字

宋史曾孝寬傳知鄆州鄆有孟子廟孝寬請於朝得封鄒國公配享孔子按孟廟在鄒鄒屬兗不屬鄆蓋宋鄆刺或兼京東西路安撫使兗亦所統屬故孝寬上請也傳語殊不合

### 滕縣

春秋桓十七年及齊師戰於奚穀梁作戰於邳 路史滕古膠

鬲國謬甚

互詳前

又兒國曹姓從齊勤王爲小邾子又別出小

邾國以爲兒之所分卽滕縣又疑爲曲阜之古邾城又以蕃縣

爲邾國又以任城之邾婁爲邾故國牽混矛盾極矣 又滕本徐屬縣後遷公邱而地爲小邾故充之龔邱有古滕城按滕國故城本在公邱縣非後所遷公邱本是滕地非小邾充之龔邱縣卽今寧陽並無滕城此將古滕城今滕縣漢公邱縣隋龔邱縣皆混爲一 史記正義滕卽龔邱故城是按滕國與公邱非一城兩漢志皆作公邱此似混入龔邱晉書載記龔邱亦作公邱二字古或通用

### 泗水縣

魏書揚播傳蕃郡人續靈珍受衍梁武帝名平北將軍蕃郡刺史按蕃郡非州不得有刺史或以寵新附姑假斯號歟

### 續山東考古錄

充補

### 三 蝸角尖廬

通志引紀年云湯伐有卞考紀年無此文而路史卞國下有湯代有卞隨之文引殊誤 括地志姑蔑故城在縣東四十五里

### 汶上縣

路史以闕鄉闕城闕亭爲三地甚誤

隸釋王純碑在鄆州中都縣金石錄云水經濟水逕須句城西注云水西有安民山山西有漢冀州刺史王紛碑漢中平四年立按地理書須胸卽今中都縣此碑在中都又其官與姓氏皆合疑其是也然以純爲紛以延熹爲中平則疑水經注之誤綬按中都今汶上須句今東平安民山西漢須昌縣地隋唐以來壽張縣地與中都無涉似非一碑也

唐書宗室傳齊物天寶初擢累陝州刺史開砥柱通漕路發重石下得古鐵戟若鏃然銘曰平陸上之詔因以名縣按鄆州平陸縣改名中都以與彼同名故也

寰宇記中都縣五代周廣順二年屬濟州其年十二月卻入鄆州

### 嶧縣

括地志鍾離故城在沂州永縣路史齊乘並沿其誤

辨詳前

魏志彭城郡呂縣下有偃陽城未詳何時省入呂縣前後魏提綱缺書呂縣地

元史順帝紀至正八年滕嶧二州隸徐州總管府

### 續山東考古錄

充補

### 四 蝸角尖廬

### 陽穀縣

晉書孝武紀太元十二年慕容垂寇河東濟北太守溫詳奔彭城以天文志核之當作寇東阿

唐書藩鎮劉悟傳魏師踰河取盧縣壁阿井城中按阿井城卽漢東阿縣城亦可爲唐東阿非漢治之證